



Floral Baujnatik Volapüko

Ralph Midgley
24 Stanwell Rise
SCUNTHORPE
South Humberside
DN17 1TF

Lückelanead kü Volapükafens Volapü

YELOD DEGID

NÜM 8

GUSTUL 2000

(Pads 57 [ü 64])

O Volapükafens Löfik !

Kis binon Volapük ? Ekö liänemis se gased Jveizänik dätü 1888. Tiäd ota binon : **Volapük-Rezept** (= Lääükotem) :-

Zwei Löffel voll Englisch,
Ein wenig Holländisch,
Italienisch ein Bisschen,
Ein französisch Saucischen,
Dazu etwas Celtisch;
Die tüchtig misch !
Dann meng' es bei
Einem stark Deutschen Brei;
Salz mit der Sprache der Polen,
Span'schen Pfeffer musst du holen.
Zwanzig Tropfen Ungarwein
Thue dann auch noch hinein,
Würze es mit Singhalesisch,
Hottentot und Japanesisch,
Schlage etwas Griechisch drein,
Auch Hebräisch und Latein;
Giesse Skandinavisch über
'ne Messerspitz voll Russisch drüber.
Von der Sprache der Telugu
Füg' 'ne Kleinigkeit hinzu du,
Streu etwas Türkisch drauf
Und trag's zur Küch' in flinkem Lauf;
Vergiss nicht ein'ge frische Eier.



Schnell drüber dann den "Schleyer" :
Koch' es gut, und hast du Glück,
Wird daraus ein Volapük !

Spuns tel fulü Linglänapük,
I bosil de Nedänapük,
Bos Litaliyänapüka,
Sosit Fransänik - e püka
Kältikanas; migolöd at
Skilo lä bü, kel binon pat
Deutik; salolöd eti
Me pük Polänik; mu oti
Ko pep Spanyänik pitolöd.
Tofis teldeg läükolöd
Vina Macaränik gudik,
Me bos püka Singalanik,
Hotentotik e Yapänik;
Grikänapüki ya boso,
Hebreyi, Latini poso
Ninioflapolöd; gifül
Skandinänik love migül;
Rusänapüka neifatip.
Püka Telugud panemöl
(Te smalikünos pagebö),
Stürölolöd kalöfikio
Türkänapüki löpio.
Fino lü kvisinöp vifo
(Nögis flifik i zifao
No glömolös mälis zao !)
Täno el Jleyeramagiv !!
Kvisinolöd vali, e kük
Ovedon suno Volapük !

*Valikasi Gudikiin Oles es Olikanes
sebon*

Ralph

LÄRNOD FOLDEGKILID - VAKEN SU LÄNÄD
DIL BALID

Äkösömobs ad lifädön vakeni su länäd. Lepals obik älabons farmi gretik ed obs, poscils valik, äkösömobs ad kobikön us, ad yufön e põ sov e põ klop.

Länädalif [u : Lif su länäd] binon mu [u : vemo] sanabik, ab fikulik. Feilans mutoms klinükön leceki jevodas [u : jevodalecekis], nulüdön nimis valik, tätön kunis, bevobön gluni e dunön vobodilis milbal.

Lefat obik äbridom nimis valasotik. Älabom tätamakunis vel u jölis, jevodis te telis pro plaudam e telis ad pabemonitön. Älabom lemödöti svinas e gokas, e dökis e dindunis anikis. Plä ats älabom jipis nemödik, kaparis anik e torülis tel.

Ûn yels pasetik vob farmik valik padunon me nam. Dins evotikons boso; traktor eplaädön hobubi e jevodi põ plaudam. Fledatood u fledatoodil blinon prodis lü maket.

In tätamöps gretik anik geboy tätamacinis lektinik. So datuvots nutimik votükons farmalifi.

FEILAVOBODS

DIL TELID

Kitimo ämutol - li löädön, ven äbinol in farmadom lefata olik ?

Ze tü düp : lul e laf u tü düp : mäl.

Ab kikodo älöädol - li so mu göliko ?

Mödöt gretik vobodas ämuton padunön. Balido änulüdobos kunis e jevodis, täno ätätobs kunis ed äbälätobs ofis, e posä inulüdobos nimis retik, ägegolobs domio ad janedön.

Ab maleditilö ! Cedob atos vobodi pro del lölik saidiki.

Nö ! Atos äflagon mödiküno düpis anik. Pos janed, äplaudobs gluni pro sov. Ven vuitasid ämuton pasovön, kelosi obs ädunobs, ämutobs rakön ad breikön tailablögädis.

Jinos bo lü ob, äsva neai laboy takädi anik in farm.

Güö ! Bi ävobobs libaviliko, ägolobs ün poszedels ad svimön u ad päskarön in vats klinik flumeda, ud ägolobs futo u monitölo da fot. Pos säned obs valik äkobikobs in lödacem ed ädalilobs konotis de lefat e lemot oba. Ed obs dub vob feniks ägolobs göliko lü bed, [ed äbinobs] koteniks dö lif sanabik, keli länäd älofon obes.

VIII:59:2000
SPIKETS

Böde alik nāst ona jinon jōnik;
Binos nefikulikum ad lābūkōn, ka ad binōn it lābik.

oooooooooooooooo

PLIN SMALIK (X)
FA ANTOINE DE SAINT-EXUPÉRY

Āstadom in topād planetūlas 325, 326, 327, 328, 329 e 330. Klu āprimom ad visitōn onis ad tuvōn jāfi e ad tidōn oki.

Planetūl balid pābelōdon fa reg. Reg āseadom, me purpur e hārmin peklotōl, su tron vemo balugik, ye mayedik.

"Ha ! ekō reigāb," āvokādom reg ven ālogom plini smalik.

E plin smalik āsākom oki :

"Lio kanom - li dasevōn obi, bi no nog elogom obi ai ?"

No āsevom, das, bai regs, vol binon vemo pebalugūkōl. Mens valik binons reigābs.

"Nilikolōd, sodas logob oli gudikumo," āsagom ome reg, kel ābinom saido pleidik ad binōn fino reg pro ek.

Plin smalik āsukom pladi ad seadōn, ab planet lōlo pāstōbon fa māned magifik hārminik.

Seko ābleibom stanōn, e, bi ābinom fenik, ācavon.

"Cavōn komū monākan binos ta fomedam," reg āsagom ome.
"Proibob osi ole."

"No kanob stōnōn osi," āgespikom plin smalik, lōlo kofudōl. "Etāvob mōdo e no eslipob . . ."

"Tāno būdob ole ad cavōn. No eloegob cavōn eki sis yels anik. Cavōn pū ob binon bisarik. Dunō! cavolōd dōnu. Binon būd."

"Bluvūkos obi . . . no plu kanob . . ." āsagom plin smalik, redikōlo.

VIII:60:2000

"Hm! Hm !!" ägespikom reg. Seko bûdob oli nu ad cavön. täno ad . . ."

Ämürom boso ed äjinom penoföl, bi reg ädavilom binäliko, das nämät oma pälestimon. No äsufalom nelobedi. Äbinom monäkan lenämädik. Ab, bi äbinom verno gudalik, ägivom bûdis tikalik.

"If bûdoböv, " äsagom kösömiko, "if bûdoböv generane ad votafomön ini melaböd, ed if generan no lobedonöv osi, at no binonöv pöl generana. Atos binonöv pöl obik. "

"Dalob - li seadön ?" äseividom dredöfiko plin smalik.

"Bûdob ole ad seadön. " ägespikom ome reg, kel äleodükom mayediko dili mäneda härminik oka.

Ab plin smalik ästunom. Planet äbinon smalilik. Love kis reg äkanom - li vero reigön ?

"O Söl . . . " äsagom ome, "begob pardi ad säkön ori . . . "

Bûdob oli ad säkön obi, " reg äspidom ad sagön.

"O Söl ! Love kion reigor - li ?

"Love valikos, " reg ägespikom ko balugäl gretik.

"Love valikos - li ?"

Reg, ko jäst pegekipöl, äjonom planeti oka. planetis votik e stelis.

"Love etos valik - li ?" äsagom plin smalik.

"Love atos valik . . . " reg ägespikom.

Bi no soeliko äbinom monäkan lenämädik, ab äbinom monäkan valemik.

"E stels lobedons - li ori ?"

"Fümiko, " reg äsagom ome. "Lobedons sunädo. No sufälob nelobedi.

VIII:61:2000

Nämäd somik äbluvükon plini smalik. If om it dalabomöv oni, kanomöv komön in solamodonikams no foldegfol, ab veldegtel, u igo tum, u igo teltum, dü del it nes neai tirön stuli okik !

Ed äsä äsenom oki bosilo lügik kodü mem planeta smalik pelüvöl oka, äkünöm ad säkön plitodi rege :

"Plidoböv ad logön solamodonikami ... Dunorös obe blesiri at ... Büdoröd solamodonikami ... "

"If büdoböv generane ad flitön de flor bal lü votik äs pab, u ad lautön lügadramati, u ad votaformön oki ini melaböd; ed if generan no lobedomöv büdi pegetöl, kim, se om ud ob, binomöv - li negitik ?"

"Or binoröv" äsagom fümäliko plin smalik.

"Fümiko. Zesüdos ad flagön alikane, utosi, kelosi alikan kanon givön, " äsagom dönu reg. "Nämät stanon balido su tikäl. If obüdol sifanes ad bunön ini mel, odabinon levolut. Gidetob ad flagön lobedi, bi büds oba binons tikäliks."

"Nu solamodonikam oba - li ?" ämebom plin smalik, kel neai äglömom säki balna pisäköli.

"Solamodonikami olik, olabol oni. Oflagob oni. Ab ostebedob ma nolav oba guvera, jüs dinäds obinons göniks.

"Ven obinos - li atosi ?" äseividom plin smalik.

"Hm, hm !! " ägespikom ome reg, kel balido äkonsultom kaledi gretik, "hm, hm! obinos za ... za ... atos obinos ün soar at jüi düp velid e minuts foldeg ! Ed ologol lio lobedoy gudiko obi."

Plin smalik äcavom. Äpidom solamodonikami oka pideföli. E nu ya äprimom ad näütön oki bosilo :

"No labob nosi plu ad dunön is," äsagom rege. "Onu omovegob !"

"No movegolöd ! " ägespikom reg, kel äbinom so pleidik ad labön reigäbi. "No movegolöd, ocälob oli ministeri."

"Ministeran - li dö kis ?"

VIII:62:2000

"Dö . . . gitäd !"

"Ab dabinon nek ad pacödön !"

"No sevoy osi, " reg äspikom omi. "No nog edunob datävi zü reigän oba. Binob verno bäldik, no dalabob spadi pro vab, e spatam fenükon obi."

"Oh ! ab ya elogob," äsagom plin smalik, kel älüklienom ad logedön vifiko lü flan votik planeta. "No plu dabinon ek us."

"Ocödöl seko oli it," ägespikom ome reg. "Binos din fikulikün. Binos fümiko fikulikum ad cödön oki it, ka ad cödön votikanis. If oplöpol ad cödön oli it, binos bi binol sapan verik."

"Ob, " äsagom plin smalik, "kanob cödön obi it seimo. No nedob lödön is."

"Hm, hm!" äsagom reg. "Cedob fümö, das su planet oba binon seimo rat bäldik. Lilob oni ün neit. Ocödötol oni ad dead semikna. Sekü atos, lif ona osekidon de gid olik. Ab opardol oni alikna ad spälön oni. Dabinon te bal."

"Ob," ägespikom plin smalik, "no plidob ad deadicödötol, e ya kredob, das omogolob."

"No," äsagom reg.

Ab plin malik, preparamis oka efidunölo, fümiko no ävilom skänön monäkani bäldik :

"If Mayedan Olik desironöv ad palobedön sunädo, kanonöv givön obe büdi tikalik. Samo kanonöv büdön obi ad mogolön ünü minut bal. Jinos obe, das dinäds binons göniks . . ."

Bi reg no igespikom, plin smalik äzögom balido; poso ko seif, ämogolom.

"Nemob oli nunali obik," ävifom täno ad vokädön reg.

Ädalabom magedi gretik nämäta.

"Daülans binons ya vemo bisariks," äsagom plin smalik oke it dü täv oka.



TÄVAVENTÜR IN LAPÄN (III)

FA KARL MAY

"Ekö, vio binons nepiniks ya !" el *Nête* äsagom, son ela *Pent*.
"Ber at iseaton ya in tail e petupon in nifüpaslip. Nu äsukon topi votik oke, e dü os ävedon faemik. Äkömon so nelaudiko, das älogob oni, pasä älilob jäfedi neläbik grunöli lätikna. Lan ona ai mutonös spatön as *syäkenes* (= späk) in *metse* ! (= fot jibedema).

Ledils ditik nima pädeidöl, kel ilabon luni fūmo piedas mäl, päsumons ed äprimobs gemaleki. Ven ärivobs topi, kö fat *Pent* ilüvom obis, ästopob.

"Nog no egekömom," äsagob. "No binosöv - li gudikum, if sukobsöv omi ?"

"No dalobs," nök *Sätte* ägespikom. "Binom būdal ed ebūdom, das nek sukomöd omi. Mutobs lobedön omi."

"Ab if esufom - la neläbi ?"

"No kredob atosi. Sevom pladili smalikün alik topäda at, bimi alik fota, nimi alik, kel is lifon. Dalobs binön nen kuđ alik. Fūmiko ya egekömom lū ludom."

"Atos binos vemo dotik. Om as yagan fūmikūno eyumomöv dönu ad yufön obes ad deidön beri."

"Alo, äbinobs mans saidik; enolom atosi. Klu golobsös nekudo !"

Ädugolobs da fot, änexänobs lubeli klifik ed äbinobs täno dönu in kamalän lulakik, kö äkanobs dönu gebön nifajukis e fokömön vifikumo. Nolūdalit pänenämikon ven ärivobs ludomi.

Stabi ludoma äfomon num bemülas, kels sirko ästegons in glun, so das tipots äkobons löpo. Bi fat *Pent* äbinom balan Lapānanas liegikün, bemüls peziklotons me jüd telik renaskinas e löpo iretükoy hogi, dat smok äkanon mogolön; ab hog at päfärmükon slipatimo ad neletön, das vam mofiton. Skinateged at äbinom zi ludom lölik su dil gluna ad kanön kipedön stokis donü on. Nu, nifatimo, löd at äbinon tegöl me jüd solidik nifa eflodöi, kel leno äleadon nüdugön koldi ini ninedöp. Zänodü lödöp äbinon, äs ya pesagos, filatop, löpü kel kuprinacaf älagon, kel päfimükon me jän löpo in bal bemülas. Su glun lölik istäänükoy love jüd sigayeba skinis müdik petaenölis ad fomön bedis e sööeadöpis pro limans famüla e pro dogs. Stömern älagon len völs klivik, e löpo nilü smokahog ifimükoy renaküdis e renastomägis, kels ninädons fromadi e miligi eflodöl, ba i renabludi dünöl as sanamedi Lapānanas pro valikos.

Ven ägekömobs, el *Käke Keira* yuböl laodiko ägetedom obis, fūmo demü berahäm, kel ai binon daifot lebenokömik pro Lapānans. Sekü vokäds laodik oma voms äkōmofs se ludom.

"*Kúsne le átye* - fat binom kiplado?" mot *Snyära* äsäkof, ven älogof, das el *Pent* bäldik ädefom.

"No, *etnatyam*. (= smalükamavöd ela *etnoj*, kel sinifon nök, klu nökül : sevabo : nök löfik). Eblibom kiplad - li?"

""Plödo in fot."

"Lio ? in fot ? in *vuorai* ? (= nif díbik). Ed if ber, lup ud igo *vuoikenes* (= lanan) lengleipon - la omi ! Eblibom in fot - kikodo?"

"Älogom mani, keli sökōm. Äbinom *ámats* (= foginan), kel ivilom klānedön oki demü obs."

"*Tiye lepet takam yerpmetipme* - edunols nevisediko. Foginan at binom ba renadeidan, kel labom vafis mödik len ok. Edälols, das fat binom soalik, kikodo?"

(Fövoť ün mul balidkōmöi).